

Protocol no. 112**Sezzüda da lündeschdi, 5 settember 2011 – 20.00 – 22.45**

Preschaints: Jon Carl Rauch; Chasper Alexander Felix, Marianne Werro-Lehmann, Jachen Andri Schmidt e Claudia Luppi (protocol)

S-chüsà: Georg Salomon

Protocol

Il protocol no. 111 da la sezzüda da lündeschdi, 29 avuost 2011 vain approvà.

993 1 **SGÜREZZA PUBLICA**
Ledscha davart l'organisaziun in cas da catastrofas

Illa sezzüda dal Cussagl cumünal dals 25 lügl 2011 vaiva il manader tecnic preschantà ün concept provisoric a regard l'organisaziun in cas da catastrofas ed il Cussagl cumünal til vaiva dat l'incumbenza d'elavurar ün concept definitiv pel cumün da Sent. Quist concept es uossa avant man. Prosmamaing vegnan miss in net amo ils detagls insembel culs rapreschantants da l'uffizi per militar e protecziun civila. Il Cussagl cumünal decida da preschantar in seguit la ledscha davart l'organisaziun in cas da catastrofas ed il quadern directiv pel stab da crisa a la radunanza d'orientaziun chi d'es previsa la mità d'october. La ledscha gnarà suottamissa a la cumünanza d'urna als 27 november 2011.

994 710 **AUA DA SARINERA**
GEP – Offerta büro d'indschegners A. Mayer – Credit fr. 10'000.--

Eir davo la separaziun d'üna gronda part da l'aua meteora our da la rait da la chanelisaziun ed impustüt our dal cuntegn da Palüzot, as poja amo adüna constattar chi cuorra aua netta permanent tras la chanelisaziun gio la sarinera. Causa chi's tratta d'ün quantum d'aua netta remarchabel ha il schef d'aua e chanelisasziun tut aint offerta per la lavur da localisar ils lös cha l'aua netta riva illa chanelisaziun per tilla pudair in seguit separar oura e sviar illa rait da l'aua persa.

Il Cussagl cumünal decida da dar liber il credit da fr. 10'000.-- (tet da cuosts) per la lavur da localisar las entradas d'aua netta illa chanelisaziun.

995 720.318.01 **Cuosts da transports ed allontanaint da las immundizchas**
Concept da ramassamaint d'immundizchas

Aint il mas-chalch dals 25 avuost 2011 es gnü publichà il nouv concept da deponias e da ramassamaint d'immundizchas. Tanter oter esa gnü manzunà cha'l servezzan per svödar containers d'affars cuosta tenor las analisas da cuosts raduond sfr. 1'000.--. Chi gnissan inchargiats al chaschunader. Quista comunicaziun ha dat andit a discussiuns in cumün, uschè ch'id es entrada üna petiziun. Il capo orientescha ch'el saja in discussiun culs cumüns vaschins per congualar il proceder in quista chosa. Il Cussagl cumünal vezza eventualmaing üna pussibiltà per gnir incunter als affars chi vulessan avair ün container: Tenor las indicaziuns da la PEB esa pero cler cha'l Cumün da Sent sto chattar üna soluziun per sbassar considerabelmaing ils cuosts pel temp dal ramassamaint.

996 02

ADMINISTRAZIUN

Contrat da servezzan dal server – Credit da fr. 900.--

La mità da settember scrouda il contrat da servezzan pel server da l'administraziun cumünala chi d'eira per trais ons part integrada dal contrat da cumprita dal server. Davo avair examinà las offertas decida il Cusssagl cumünal da far giò il contrat da servezzan culla firma Novicom.

997 020.311

Mobigliar e maschinas da büro

Copchader public pro l'entrada da la chasa Misoc

La situaziun a regard il copchader e l'automat da munaida pro l'entrada da la chasa Misoc s'ha müdada. Tenor il tecniker da la firma Ricoh füss l'automat da munaida existent bainschi cumpatibel cun ün copchader d'üna seria plü moderna. In vista cha tenor las cundiziuns müdadas esa plü favuraivel da far giò ün contrat da fittanza per ün copchader nouv co da cumprar il copchader vegl cul ris-ch da na survgnir plü ils tocs per las reparaturas, decida il Cussagl cumünal da reponderar la decisiun dals 29 avuost 2011 e da rimplazzar il copchader tenor il contrat da fittanza culla firma Ricoh.

998 021

FABRICA

Mür Chasellas – Surdatta da lavur e cunvegna

Per sbodar il mür pro la chasa da sar Gian Lardi pel schlargiamaint da la via da Chasellas vain surdatta la lavur in redschia a la Firma Fabio Bau.

Implü vain dat a sar Lardi la pussibilità da collavurar in plüssas manieras vi dal fabricat, quai chi's vaiva eir cumbinà cun el cun progettar il schlargiamaint. Quista collavuraziun vain descritta e precisada in üna cunvegna.

L'indemnisaziun pel terrain ed implü la garanzia d'access per duos eventualas venturas garaschas illa cuort ed i'l schler da sar Lardi vegnan medemmamaing regladas tras cunvegna.

999 860.318.04

Cità d'energia

Label „Cità d'energia„ sül cheu da las chartas dal Cumün da Sent

Als 21 gün 2011 ha il cumün da Sent survgni il label "Cità d'energia". Cun ragiundscher quist böt ha il Cumün eir il dret da dovrar il label sül cheu da las chartas.

Il Cussagl cumünal surdà al büro cumünal l'incumbenza d'integrar il label sülla documainta da la correspundenza.

L'actuara